

Silei Omw Pwung Faniten Angei Alilis ren weweiti Poraus lon Kapasen Fonuwom

Mi wor omw pwung omw kopwe angei alilis lon kapasen fonuwom nge esapw kamo ngonuk faniten omw kopwe porausen ren tumunuk me noum semirit, me ngeni chochon omw famili ika re niit. Emon chon chiaku a angeoch lon kapasen Merika (English) me kapasen Chuuk mi kaeo ngeni ekkewe kapasen safei pwe epwe tumunu fichi pwe en me noum ewe sousafei (tokter) me ekkoch chon angangen safei oupwe angei ewe pwungun poraus. Emon chon chiaku mi kaeo fich esapw aporaus porausom ngeni ekkoch.

Ka tongeni tungor alilis seni emon chon chiaku mi tufichin me sileoch le chiaku, nge ren taropwe ika mettoch epwe mak lon kapasen fonuwom, lon pioin, lenien safei, me ekkewe ofesin safei ngeni:

- **Poraus ngeni sousafei (tokter), nurse, me ekkoch chon angan**
- **Fori omw fansoun churi (appointment)**
- **Poraus faniten omw memeon safei me insurens**

Pwata Alilis lon Chiaku ka Weweiti Poraus e Auchea ren Pekin Tumun ika Safei

Eu Alluk

Allukun Sopw me Mwun Merika a apwungalo pwe epwe wewe ika leleo pek kaworen alilis ngeni aramas ir mi niit alilis faniten weweiti, apasa ika aleani kapasen Merika (English), me ngeni aramas mi wor terir.

Alisi chon samau ar repwe angei ewe pwungun tumun me epwe pwung ewe fansoun ar angei

Chon samau, famili, me chon angangen safei ra niit ar epwe tufichin poraus fengen faniten osukosuken safei, tumun, me met repwe fori lon imw, me inet me ifa usun ar repwe angei alilis mwirin.

Alisi ewe chon samau an epwe tumun

Kaeo ra pwarata pwe lupwen ewe chon samau ese angei alilis ren pekin weweiti ika chiaku, ir mi tongeni fen lapelo ar weires ika samau pwokiten mwalilon angangen safei mi pachelong unumer safei, niit weiweitan tumun, me fen awora ngenir chomong sokopaten osukosuken samau.

Alisi akukunatiw meon tumunun safei

Ika ese wor alilis ren pekin weweiti me chiaku, sousafei (tokter) resapw silei met ewe chon samau a ani osukosuk, iwe ir mi tongeni alluku an epwe wor chomong tes (test) me tinalo ewe mi samau ngeni pioin, ina mwo ika fansoun ese niit.

Ika pwe e wor omw osukosuken angei alilis ren pekin chiaku, ka tongeni faielini echo taropwen omw kose tipeeu ngeni ewe Ofesin Tumunu Pekin Pwung (Office of Civil Rights), Region X Office, ren ewe U.S. (Putain Tumunun me Alilisin Aramas) Department of Health and Human Services, ren: telefon (800) 368-1019, **Fax:** (206) 615-2297, **Tdd:** (800) 537-7697, ika won kampiuter ren www.hhs.gov/ocr/office/index.html; ika kokori ewe ofesin Washington State Human Rights Commission ren 1-800-233-3247, **TTY:** 1-800-300-7525; ika ren <http://www.hum.wa.gov/>.



WASCLA

Washington State Coalition for Language Access

www.wascla.org